

IWANG TIC ME NYAPISKOPI ME SOROTI KATOLIK I DAYOSIS

20/3/2020

But Josaseredot, Jobikira, Jokirsto,
Kede Jo dedede ka cunyi beco,
Me Soroti Katolic Dayosis.

COR KOM ASURA ME TUO ME KORONA VAIRAS (KOVID 19)

Imyeguna kede amyeguna I Kristo,

Ikare ni me asura me tuo me Korona Vairas, onianguni iber be tic wanunu bala jo abeco kede bala jokristo en me gwoko kwo bala giamia ko wok kibun Ruganga. Pi mano, atie kwenyaro wu pi lubo cor anonok gi kame karuno konyo wa ikare ni me atama:

1. Ilega me Missa Kacil kede ilega me Sande en acel ikom jokere kame Apugan otyeko ber gengo pi ceng 32. Pi mano, Missa kede ilega dedede me ekodet do ber lik'oyaro bedo iye ekelesian wa kare kame ociko ni. Do okwenyaro Josaredot pi kwero Missa Kacil iye ekelesian gi gin kengi, abongo jokristo.
2. Pi kare ni, oyei ne jokristo kei Missa ara ilega me Sande; do poore wooro Sande kede dong kede cunyi me ilega.
3. Ikelesian romo dong di oyabere pi ngat acel acel kame mito bino ilega mere kene, kede pi wooro Kristo ki Taberenakulo. Kame jo odonyo are ara adek iye ekelesia, poore kur kibed kio karacel, do kipopokun. Doko poore kilub iswilia kamakere kede cil kom, kame Eryonget me Yot Kom otyeko mooko. Josaseredot poore dong di iyapi pi nyuto ne jokristo gi kapoore atima. Pi me Winyo Katie kadonyo me ekelesia poore dong di otuo.
4. Josaseredot poore meede kede Ilega kame poore ne gin.
5. Josaseredot poore latao ne jotuo. Kipoore miino Awira mo Jotuo kede wiinyo Pentesia di kilubo iswilia kamako cil-kom iye epone kame Erionget katelo Yot Kom kii Apugan otyeko mooko kede.
6. Ilega ace kapapat, Yo me Musalaba kede Yo me Sapuli, poore meede anyim, abongo jo cokere.
7. Josaseredoti poore bedo ditie iyapiyapi kede katic gi, pi mino tel but jokristo. Josaseredot poore tic kede radio, kede esimu and elago pi miino ngec kede tel but jokrsito.

8. Koyaro lege Missa cenge acelacel kii redion wa. Wang tic katelo pwoyo yei I Dayosis bino woto aikaika kame makere kede Missa kede pwony me buli ceng. Okwao wu luubo ilega kede pwonygi. Jo kame twero karuno luubo Missa kame onyuto e television me Eternal Word Television Network (EWTN).
9. Okwao jokristo dedede dong di kiribere kede josaseredot gi kitipo, di kiniang be kotie leego Missa buli ceng. Ingei Missa acelecel, yutuno lego kwac me Kwer me mwaki 40 me Dayosis wa, kedi gedo me Ekelesia kadwong (Cathedral) I Dayosis wa.
10. Otiunu kede kare pi looko dyakale doko ateni myere me ilega. Ilega me Sapuli kede ilega ace apapat poore meede anyim. Paco acel-acel poore iiko altari kame gin ilego iye ilega apapat. Jo katwero poore wilo itabu kame giasoma me buli ceng tie iye.
11. Kur wii wa wil kop kapid gi tek ikare me Karema: ilega, lungu kede miino kony.
12. Ceng 32 gi mako into Sabiti Kacil. Kobino mino wu kop kapoore aluba ikare kopoore. Pi nan, okwa wu idongunu di iriberenu kede cuny me ilega. Kur wii wu wil kede ilega me Kisa ka Rubanga pi ceng kanyangon, kame oyaro cakere Ceng Kany Kacil.
13. Okwao jokristo me Dayosi lung ribere ikwac me Sapuli me Can Kanyare, do ongangao kwac ka Toto Maria. Ilega ni oyaro geere Ceng Are 31/3/2020 ingei ileng me Kisa ka Rubanga esawa kanyangon me otyeno, tuno Ceng Adek Kacil ibuto dwe 8/4/2020.
14. Buli ceng acel-acel obino goono olang me ekelesia pi yutuno wa lego ilega me Malaika ara ilega me Abaka me Malo (ikare me Paska). Ida ipoore nywako ilega ni ikakame itie iye i'esawa no. Meedo iwi mano, oyarunu lego kwac me SECAM karacel kede kwac but Mikairi Malaika Kadwong twal. Obino bobo goono olang esawa kanyangon pi yutuno wa lego kwac me Kisa ka Rubanga. Pire tek ida nywako ilega ni ikakame in itie iye.
15. Akadi bed bala likame okarunonu cokere ilega bala lem sek, do okwao nyakristo acel-acel lego abongo oolo pi piny wa kede pi piny lung, di olego pi jik me tuo ni.
16. Medenu kede tic me koonyo Josaseredot wu, gango tic me sarakino kop ka Rubanga, kede gango gedo me Ekelesia wa Kadwong i Dayosis (Katedrol).

Kapire Tek: Ilegawa Kadwong me Ngora, karacel kede lairo jotel me Parish Council, bino do timere ingei tyeko peko me tuo ni.

Odongunu kede gen but Rubanga kame lika jalo jo meede.

Wek Totowa Nyawinyo, Karingo me jotuo, ke Yosepu Kacil Nyadar me Ekelesia lung, karacel kede Jojura me Uganda kikwanewa.

Nan do amio winyo kawok kikut Joor.

Rt. Rev. Joseph Eciru Oliach,

Nyapiskopi me Dayosis me Katolic i Soroti.